

Шукроналик

Ёшлар сардори — «Камолот» етакчиси

Донишманддан сўрадилар: — Айтингчи, дунёда сиз учун энг яхши нарса нима?

— Саволингизга ўзингиз жавоб бериб турибсиз-ку, бўтам. Дунёда инсонларга яхшилик қилишдан буюк бахт, бундан-да улуроқ иш йўқ, — деб жавоб берган экан аллома.

Зеро, атрофимизни ўраб олган шу борлиқнинг ўзи ҳам яхшилик маҳсули. Инсон учун сув ва ҳаводек зарур бўлган барча неъматлар унинг учун хизмат қиладиган муҳим воситалар борки, уларнинг замирида яхши ният ва меҳнат ётади. Энг муҳими, қалбига яхшилик жо бўлган инсонларда ўзгаларга нисбатан шу она заминга меҳр ва муҳаббат, ўз элига садоқат ва оқибат кучли бўлади. Умрини одамларга яхшилик қилишга бағишлаган Эгамназар ака Қодиров ҳақида гап борганда ҳаминша мана шу фикрлар хаёлимга келаверади.



Эгамназар Қодиров «Эл-юрт хурмати» ордени билан мукофотланди. Қалби поклик ва саҳийлик меҳри билан йўғрилган бу инсоннинг фазилатлари, меҳр-оқибати ҳақида кўплаб мисоллар келтириш мумкин. Уларни бирма-бир санаб ўтишнинг ҳожати бўлмас керак. Чунки бу кишини кўрган-билганлар буни яхши билишади.

Эгамназар Қодиров дилкаш инсон. У билан сўхбатлашган одам яна бир бор дилдан гаплашсам деб орзу қилади. Бизнинг ҳам Эгамназар ака билан турунгимиз жуда мароқли кечди — мавзу Мустақиллик, истиқлол берган буюк неъматлар хусусида бўлди.

— Юртимизда, гўзал пойтахтимизда қилинаётган улуг ишларни кўриб, уларга раҳнамо бўлган муҳтарам Юртбошимизга тасаннолар айтаман. Энг муҳими, бу ўзгаришлар, янгиланишларнинг ҳаммасида ўзлари бош-қош бўладилар. Ўз таклифларини айтиб, лойиҳаларга ўзгаришлар киритдилар. Фақат бир бу билангина чекланмай, балки тажрибали мутахассислар ва нуруний кексалар билан фикрлашиб, маслаҳатлашадилар. — дейди сўхбатдошим. — Мустақиллик йилларида қад кўтарган бирон йирик иншоот йўқки, у киши бориб кўрмаган, истак ва таклифларини ўртага ташламаган бўлсин. Камина ҳам Юнусобод туманида қурилиб, фойдаланишга топширилган замонавий болзор, кўприк. «Шаҳидлар хотираси» ёдгорлик мажмуининг очилишида қатнашиш шарафига муассар бўлдим. У кишининг дил сўзлари, доно фикрларини тинглаб, қалбим ғурур ва фахр нуруларига тўлди. Ўз юрти учун, халқи учун хизматга астойдил бел боғлаган инсоннинг ҳар бир ишида Оллоҳ мададор бўлишига чин дилдан ишондим.

Истиқлол ҳар биримизнинг, жумладан менинг ҳам тақдиримда ўзгаришлар ясади. Илоҳим, шундай гўзал юртимизга кўз тегмасин... Эгамназар аканинг дил сўзларини тинглаб эканман, Мустақилликнинг 10 йили мобайнида мамлакатимизда амалга оширилаётган ислохотлар жараёни, пойтахтимизда қад кўтарилган ноёб иншоотлар, гўзал бинолар кўз ўнгимдан бирма-бир ўтди. Шу нарсаларнинг ҳаммаси Истиқлолнинг бизга берган буюк неъматидир эканлигига шукроналар айтдим ва хаёлимдан шоирнинг қўлидаги мисралари ўтди. Улар айнан Эгамназар ака ва унга ўхшаш инсонлар учун битилгандай туюлди.

Ўз умрингизда битта кўчат эк, Яшнаб турсин кулган

Бахтиндек. Ўз умрингиздан оч битта қалам, Тинчлик сўзин ёзсин бу олам. Эгамназар ака Қодиров умрида кўплаб кўчат экди, тошлоқ ерда бот бунёд этди, юрт тинчлиги, фаровонлиги ҳақида зарф-шавқ билан мақолалар битди. Ҳозирда қарилки гаштини сураётган бу инсон бир зум тиниб-тинчимайди. Маҳалланнинг ҳар бир хайрли ишига бош-қош бўлади. Жамоатчилик йиғилишларида қатнашади. Корхона, муассаса ва маҳаллаларда турли мавзуларда маърузалар ўқийди. Ўз маърузаларида Истиқлол берган буюк неъмат ҳақида, унинг инсонлар тақдирини ўрни тўғрисида ҳаяжон билан сўз юритади ва шундай улуг қуниларга етиб келгани учун Оллоҳга шукроналар айтади.

Махмуд КОМИЛЖОНОВ СУРАТДА: Эгамназар ака Қодиров неваралари билан.

Тоҳир Нигматуллин олган сурат.

Ўзбекистон Республикаси Президенти Ислам Каримовнинг «Камолот» ёшлар ижтимоий ҳаракати ташаббус гуруҳи аъзолари билан учрашувда ёш авлоднинг тарбиялашдаги билдирган қимматли фикрларини барча қатори институтимиз ёшлари ҳам қувонч билан қабул қилишди.

Бу борада бизнинг ҳам мулоҳазаларимиз бор. Хусусан, ёшларнинг «Камолот» ижтимоий ҳаракати кўпчилик овоз билан ташкил этиладиган ташкилот. Бизнингча, «Камолот» ёшларнинг ижтимоий ҳаракатининг етакчиси деб эмас, балки ёшлар сардори деб номлана, мақсадга мувофиқ бўлув эди. Олий ўқув юртиларида «Ёшлар сардори» тизими яхши самара бераётти. Жумладан, бизнинг институтда 1992 йилдан бошлаб ёшлар сардори (талабаларнинг етакчиси) фаолият кўрсатиб келмоқда.

Ёшлар сардорининг факультетларда ҳам фаоллари мавжуд бўлиб, ёшлар сардори бевосита ўқув гуруҳлари, курсларда ва факультетларда

ҳамда талабалар уйларида ҳам фаолият кўрсатиб келмоқда. Институтимизда талаба-ёшларни, ёш илмий изланувчилар ва олимларни кўллаб-қувватловчи «Кобилит» жамғармаси ташкил этилган. Бу жамғармага ҳолий ташкилотлардан маблағлар ўтказиб турилади. Ёшлар сардори бу жамғарма раисининг ўринбосари ҳисобланади. Ёшлар сардори аъзолиги бадалларини йиғмайди. Унга институтнинг бюджетдан ташқари маблағи ҳисобидан маош белгиланган. Ёшлар сардори ташаббуси билан турли маънавий-маърифий тадбирлар ўтказилганда институт раҳбарияти маблағ билан мунтазам таъминлаб келмоқда. Ёшлар сардорига кенг микёсда тадбирлар ўтказиши учун институт маънавият ва маърифат маркази, миллий истиқлол ғоясини тарғиб этиш маркази, институт маданият саройи, спорт шўбалари, талабалар қаҳвахонаси, талабалар Академияси, компьютер маркази ҳамда талабалар уйларидаги маънавият ва маърифат хоналари, дам олиш хоналари имкониятларидан фой-

даланиш каби ҳуқуқлар бериб қўйилган. Янгиланаётган ёшлар «Камолот» ижтимоий ҳаракати сардорининг мавқеини ошириш мақсадида унинг номзодини олий ўқув юртининг илмий кенгаши аъзолигига киритилиши лозим деб ҳисоблаймиз. Ёшлар сардори барча талаба-ёшларнинг манфаатларини, истак ва таклифларини илмий кенгаш йиғилишларида бевосита қўйиш ҳуқуқига эга бўлиши лозим.

Ёшлар сардори олий ўқув юртида хорижий тилларни, компьютерни, ҳуқуқ асосларини ўрганиш каби илмий тўғрақларга талабаларни жалб этишда ташаббускор бўлиши ҳамда «Умид» иқтидорли ёшлар жамғармасига энг алоҳи, иқтидорли талаба-ёшлар бўйича ўзининг таклиф ва истақларини тайёрлаши, олий ўқув юртилари талабалари ўртасидаги «Универсиада» спорт мусобақаларига ҳозирлик кўришда етакчи бўлиши, қолоқ талабаларни иқтидорли талабаларга бириктириб, гамхўрлик қилиш каби вазифаларни ҳам бажариши керак, деб ўйлаймиз.

Ёшлар сардорининг ўзига ҳос ҳуқуқлари ва масъулиятлари бўлиши лозим. Бунинг учун ёшлар сардорининг ўз ҳаракат Дастури ва Низомини зудлик билан ишлаб чиқиш зарур деб ҳисоблаймиз.

Ёшлар сардори барча тадбирларни қўйи бошланғич ташкилотлар — ўқув гуруҳларидан бошлаши лозим. Гуруҳ, факультетлар сардорлари ва фаол талаба-ёшлардан иборат Сардорлар кенгашига бошчилик қилиши зарур. Зеро, у талаба-ёшларнинг кўнгиллариغا йўл топа оладиган, уларнинг манфаатларини химоя қила оладиган, улар билан ҳамфикр, яқин ёрдамчи, маслаҳатчи — етакчи бўлиши даркор.

Дарҳақиқат, ёшлар сардори — «Камолот» етакчиси бўлиши муқаррарлик ва энг муҳими, у ёшларни «Ватан ягонадир — Ватан биттадир!» муқаддас ғояси асосида бирлаштира олади. Бунинг учун ташкилий ишларни тез ҳал этиб, амалий ишларга киришиш зарур.

Абдусаттор АБДУГАФФОРОВ, Тошкент тўқимачилик ва энгил саноат институти ректорининг маънавий-маърифий масалалар бўйича биринчи ўринбосари.

Орзулар рўёбга чиқмоқда

Айни кунларда шахримизнинг турли ўқув юртиларида илғор ва фаол ёшлар иштирокида «Камолот» ижтимоий ҳаракати Низомини ва Дастури лойиҳаларининг муҳокамалари ўтказилмоқда ва унда ушбу ҳужжатларни янада такомиллаштириш, ёшлар манфаати учун хизмат қилиши таъминлаш йўлида керакли фикр-мулоҳазалар билдирилмоқда.

● **Адиба СОАТОВА, Тошкент алоқа-электротехника институти талабаси:**

— Менинг фикримча, ёшларнинг янги тузиладиган ташкилоти билими, иқтидорли, юрти, халқи, унинг ривож, юксалиши, гуллаб-яшнаши учун хизмат қиладиган ва айни шу мақсадларга бел боғлаган ёшларни кўллаб-қувватловчи, муаммоларини ҳал қилиб бера оладиган ташкилот бўлмоғи керак. Унга бирлашган ёшлар ўз дарду ўйлари, орзу-интилишларини ҳеч қандай истиҳоласиз ҳал этсинлар. Яқинда тенгдошларим билан уч ой давомида Америка Қўшма Штатларида бўлиб қайдик. У ерда Ўзбекистонга жуда қизиқишларини, мустақиллик йилларида эришган муваффақиятларимиздан ҳайратга тушганларининг гувоҳи бўлдим ва бундан жуда фахрландим. Дарҳақиқат, иқтидорли юксак, билимга қанқоқ ёшларимиз жуда кўп. Уйлайманки, «Камолот» шундай ёшларни кўллаб-қувватловчи, ҳар томонлама ёрдам берувчи ташкилотга айланади. Фақат бу ташкилотнинг оёққа туриб олиши учун ҳаммамиз ҳаракат қилмоғимиз, барча тенгдошларимизга бу ташкилот моҳияти ва мавқеини, вазифаларини тушунтира олмагимиз керак. Ҳаракатга аъзолик яқна ҳолда ҳам, жамоа бўлиб ҳам амалга оширилсин. Аъзолик бадаллари ҳам тўлиниши керак деб ўйлайман. Бу уларнинг мустақил фаолият юртишлари учун керак бўлади. Фақат, биз бир нуқсондан ҳоли эмасмиз-ки, ҳар бир ҳаракат бошланганда жуда тез киришамиз-у амалга ошираётган ишларимиз салмоғи кўнгилни тўлдирмайди. «Камолот» — ҳақиқий маънода ёшлар паноҳи, маслаҳатгўйи, келажаги буюк давлат қурилиши йўлида етук кадрларни тарбиялаб берувчи ташкилот бўлсин. Бу ташкилот «ўзим ақлиман», деб фақат ўз фикрини ўтказишга уринувчилардан ҳоли бўлсин. Шундагина бу ташкилот ёшлар учун катта имкониятлар очади, республикамиз бўйлаб қанот қоқиб, кенгайди.

2001 йилдан Кадрлар тайёрлаш бўйича миллий дастурнинг иккинчи босқичи бошланди. Маълумки, 1997 йилда қабул қилинган мазкур Дастур узоқ мuddатга мўлжалланган бўлиб, унинг асосида янги ўрта махсус ва касб-хунар таълим тизими ғўтиш кўзда тутилиб, лицей ва коллежларни очиб режалаштирилган.

Кадрлар тайёрлаш миллий дастурига биноан 1999-2005 йилларда академик лицей ва касб-хунар коллежларининг моддий-техник базасини ривожлантириш ва молиялаштириш бўйича махсус дастур ишлаб чиқилиб, олти йил давомида пойтахтда 27,193 ўқувчи мўлжалланган 40 та академик лицей (шу жумладан, 12 таси янги қурилиш асосида) ва 57,458 ўринли касб-хунар коллежлари (жумладан 11 таси — капитал қурилиш асосида) очиб режалаштирилган.

Аслида эса ўрта махсус ўқув юртиларининг қурилиши 1999 йилдан амас, тажриба тариқасида 1998 йилдан бошланди. Жумладан, 2000 йилгача мўлжал қилинган биринчи босқичда 16 та академик лицей очилиши кўзда тутилган. Шаҳар ўрта махсус, касб-хунар таълими бошқармаси маълумотида 18 та академик лицей фаолият кўрсатмоқда, шундан биттаси — Жаҳон иқтисодиёти ва дипломатия университет-



Яшаш бахти

Мактабда ўқиб юрган даврида кимдир футбол ўйинига, кимдир шахмат-шашкага, яна кимдир мусика тўғрагига қатнашга қизиқса, Азиз болалик давриданок китоб ўқишга меҳр кўйди. У мактаб кутубхонасининг энг фаол аъзоларидан бўлиб, бўш қолди дегунча кутубхонага чопарди. «Янги китоб олиб келдингизми?» деб кутубхоначи опани ҳам ҳоли жонига қўямасди.

Ана шунда унинг қалбига бир орзу куртак очди: «Катта бўлсам китоб чикарадиган жойда ишлаб, кўп китоблар чикараман...» Шу боис ҳам шахримиздаги 253-ўрта мактабни тугатган Усмон Носир номли полиграфия коллежида сиртдан тахсил олиш билан бирга Тошкент китоб-журнал фабрикасига ишга кирди. Муқова цехига шогирд бўлиб ишга кирган Азиз ўзини меҳнатда кўрсатди. Ёшлик гайрати, широкати уни тинмай ўрганишга, изланишга ундади. Билмаганини сўрашдан, устозлар

ўғитини тинглашдан эринмади. Тез орада ўз ишининг ҳақиқий устасига айланди. Йигитдаги фидойиликни, ташаббускорлиқни кўрган муртасаддилар уни бригадирлик тавсия этишди. Бригадизмда 9 киши меҳнат қиламиз, — дейди Азиз Азизов. — Ҳамжихатлик, ўз меҳнатимизнинг кадрига ишга кирди. Муқова цехига шогирд бўлиб ишга кирган Азиз ўзини меҳнатда кўрсатди. Ёшлик гайрати, широкати уни тинмай ўрганишга, изланишга ундади. Билмаганини сўрашдан, устозлар

ёнлар компьютерлаштирилган бўлиб, ўзимиз чикараётган махсулотларимиз сифатидан кўнглимиз тўлади.

Шуни алоҳида таъкидлаш лозимки, Азиз ана шу юксак унумли хорижий муқова линиясини ўрнатишда Германиядан келган немис мутахассислари билан тенгма-тенг қатнашди ва улардан унинг сир-асрорларини мукаммал ўрганиб олди. Шу боис бўлса керак бугун уни муваффақиятли бошқариб, бир-бириндан сифатли китоб-журнал ва дафтар махсулотлари тайёрлашда муносиб улуш кўшмоқда.

— Азизнинг корхонамизига келганига 8 йил бўлган бўлса, — дейди китоб-журнал фабрикаси директори Азимжон Рихсиев, — ўзининг энг яхши фазилатларини намоян эта олди. Унда куч-гайрат, билим, фидойилик, касбга меҳр, атрофдаги ҳамкасбларига оқибат — ҳаммаси мужассам. Бажараётган ишга

сидқидилдан ёндошади. — Мен шундан қувонаманки, — дейди Азиз Азизов, — бизнинг махсулотларимиз — ўқувчилар учун дарсликлар, турли бадий китобларнинг болаларнинг билим олишида, одамларнинг маънавиятини юксалтиришидаги роли бекиёс. Ҳар ҳолда махсулот эгаларига ўз вақтида етиб борса, бунинг устига талаб даражасида сифатли бўлса яхши-да. Яна шундан фахрланаманки, менинг ўз касбим бор, меҳнатим махсулидан одамлар баҳраманд бўлмоқда. Бинобарин ҳар бир инсон ҳалол ишласа, меҳнати мевасини албатта тотиб бахтига муяссар бўлаверади...

Азиз 25 ёшда. Ёшларга бўлган гамхўрлик, берилган имкониятлардан фазилан меҳнат қилиш, эл орасида қадр топиш — унинг эзгу мақсадига айланган.

Шарифа ИЛЁСОВА

МИЛЛИЙ ДАСТУР

Бугунги кун лицей ва коллежлари

тиббийет (Собир Раҳимов тумани), Педагогика университетига карашли педагогик (Юнусобод тумани), Транспорт институтининг 225 ўринли (Миробод тумани) ва 450 ўқувчига мўлжалланган Давлат иқтисодиёт университети қошидаги (Чилонзор тумани) лицейлардир. 2001 йилги дастурга биноан бу мақсадларни амалга ошириш учун кўплаб маблағ ажратилган. Бундан ташқари, академик лицейларни қуриш бўйича дирекция раҳбари Собир Йўлдошевнинг таъкидлашича, жорий йилда Миллий университет қошида ҳам капитал қурилиш асосида яна битта академик лицейнинг нидан олдин изчиллик билан амалга оширилмоқда. Шундай жадаллик билан касб-хунар коллежлари ҳам барпо этилмоқда. 2000 йил якунида бўйича Тошкентда 24 коллежда ўқув жараёни амалга оширилаётганининг гувоҳи бўламиз, шу жумладан иккитаси — Акмал Икромов туманидаги қурилиш ва Собир Раҳимов туманидаги хунармандчилик коллежлари янги қурилган. Касб-хунар коллежларининг қурилиши бўйича буюртмачи — Капитал қурилиш бош бошқармасининг ахборотига асосан, янги ўқув йилида яна 16 та 6270 ўринли коллеж қуриб битказилиши мўлжал-

ланмоқда. Хусусан уларнинг иккитаси маданият (Собир Раҳимов тумани) ва машинасозлик (Юнусобод тумани) соҳалари бўйича коллежлар янги йўналишдаги ўқув юртилари ҳисобланади. Бундан ташқари, Соёқургон мавзесида (Собир Раҳимов тумани) яна битта янги, учинчи коллежнинг қурилиши ҳам давом этмоқда. У 600 ўқувчига мўлжалланган миллий хунармандчилик касб-хунар коллежи бўлади.

Бугунги кунда янги коллеж ва лицейлар каби ўрта махсус ўқув юртилари билан бир қаторда бизнес мактаблар, хунар-техника билим юртилари ҳамда техникумлар ҳам мавжуд. Кадрлар тайёрлаш миллий дастурига кўра 2003 йилда мазкур ўрта таълим масканларини ҳам тўғралигича янги касб-хунар ва ўрта махсус академик ўқув юртиларига айлантириш режалари белгиланган. Шу билан бирга, 2003-2004 ўқув йилида ўқувчиларни 10-11-синфларга қабул қилиш жараёни тугатилди. Тўққизинчи синфни битирган ўғил-қизлар хоҳишларига асосан ўқиниш тўрта йўналишдаги — иқтисодиёт, хорижий тиллар, аниқ ва табиий фанлар бўйича ихтисослашган академик-лицейларда ёки эллиқдан зиёд касбдаги коллежларда давом этиришлари мумкин бўлади.

Тошкент шаҳар ҳокимлиги хузуридаги мабулот хизмати.



ПИСТОНИЙ ВА БЎСТОНИЙ

Бир кун шарқшунос дўстим Асадали: - Бекобода бориб, бир айланиб келмаймизми? - деб қолди. - Саёҳат бўлади, атрофларни томоша қилиб келасиз.

Мен Расулulloҳнинг: «Саёҳат қилинлар, соғланасизлар», деган ҳадиси шарифларини эсладим ва рози бўлдим. Фароғатнинг таги саёҳатдадир, Саёҳатчи доим фароғатдадир. Саломатлик ҳамдам саёҳатчиға, Саёҳатчи доим саломатдадир. Тўрт киши бўлиб, йўлга чиқдик. Тоғу боғлар орасидан ўтиб, табиат гўзалликларидан завқ ола бошладик. Сайр қилар жойинг доим боғ бўлсин, Саёҳатга чиқар жойинг тоғ бўлсин. Юз йилларни босиб ўтайин десанг, Аччиғланма, вақтинг доим чоғ бўлсин. Бекобода келиб, бир неча жамоа хўжаликларига бориб, маърузалар қўлдик. Кечқурун роҳат қилиб дам олдик. Хаво соф, юзларга жонбахш насим шамоллари урилади. Қайдандир булбул овози келади.

Нақ тонгда тугилди ажойиб бир гул, Уйқуни тарк этиб пойлади булбул. Уйқу бандалари гафлатда қилиб, Ушбу воқеани сезмади буткул. Эрталаб уйғониб, юз-қўлимизни ювдик. Тайёрлаб қўйилган дастурхонга ўтирдик. Ҳамма ҳамулжам, бироқ санъатшунос олим Собиржон йўқ эди. Бироздан сўнг, қўлида хали тўлиқ етилган пишманган бир бош гўр узум билан кириб келди. У юзини ювгач, боққа кириб хали уй соҳибининг қўл теккизмаган гўр узумдан узиб келибди. Уй соҳибининг қарашдан бироз норози эканини сездим. Узум пишганда эди, уй соҳибининг ўзи узиб келган бўларди. Бундан ташқари, бироз хосилга уй эгалари дуою фотиҳа қилиб қўл уришлари ўзбекларда одат тусига кирган. Биз ювиниб бўлганимизча, уй эгаси дастурхонга бир қосадан иссиқ сўт келтириб қўйган экан. Ичиб олдик. Собиржон ҳам ичди. Орқасидан ҳеч кимга бир донга ҳам илтифот қилмай, узумдан ейишга киришди. Мен унга: - Пистоний билан бўстонийни қўшиб бўлмайди, - дедим.

- Бу нима деганингиз? - деб сўради у. - Табобат қонунчи бўйича, пистоний, яъни соғилган нарса билан бўстоний, яъни богда етилган нарсани аралаштириб бўлмайди, - деб тушунтирдим. - Бизнинг ошқозонимиз тошни ҳам ҳазм қилади, - деди у ва ларво қилмай узумни еверди. Бошқа унга эътибор қилмадик, ҳар хил ширин гаплардан гапириб ўтираведдик. Ширин сўз мазада узум кабирди, Кадр ила қиммати кўзум кабирди. «Яхши» бўл, бўлмас «я» бўлар «иш»нинг, Ях «муза», қиммати бир «зум» кабирди. Унча-муна одамга гап бермайдиган Собиржон жим бўлиб қолганига эътибор бердим. Сал ўтмай, у хонтахта устидан сакраб ўтиб, дераза томонга югурди. Деразадан бошини чиқариб, ҳайриқ билан қайт қилиб юборди.

Оз есанг, мошинг ҳам оша айланур, Издатда кўз ила қоша айланур. Пайдарнай емаки, ел пайдо қилиб, Ҳар мошинг ичингда тошга айланур. У юз-қўлини артиб, жойига келиб ўтиргач: - Пистоний билан бўстонийни қўшманг деган эдим-ку! - дедим.

У бўш келмай: - Шундай деганингизда ҳам бўлиб кетар эди! - деди. Бу воқеа институтга ҳам етиб келибди. Эрталаб ишга келасанг, директор муовини Баҳриддин ака мени узоқдан кўриб қолди: - Пистоний ва бўстоний! - деб ҳаҳолаб кула бошлади. Фамлар қўйиб агар бўлсин десанг кул, Уйим тўлисин десанг шодликка буткул. Душман қўйиб, дўстлар шод бўлсин десанг, Қул доим, кул доим, кул доимо, кул.

ТУҲФА

Ўғлимни уйлантирмоқчи эдим. Муносиб келин топилиб тўйни ҳам бошлаб юбордик. Янгар карнайнинг сози, бугун тўйдир, бугун тўй, Шўх қуйларнинг парвози, бугун тўйдир, бугун тўй. Меҳмонларни чорлабон атрофга тарқалар, Тўйбошининг овози: «Бугун тўйдир, бугун тўй!» ...Эрталаб одамлар келиб, ош еб, тарқалиб бўлгач, ош ейиш навбати бизга келди. Қариндош ва дўстлар билан уйга кирдик. Мириқиб ош еётган пайтимида бир киши кириб: - Маҳмуд ака, кўчада бир одам сизни қутаяпти, зарур иши бор экан, деб қолди. - Киравермайди, бугун эшигимиз ҳаммага очик, - дедим.

- Роза бўлмапти, - деди у. Кўчага чиқдим. Карасам, Ботиржон деган қариндошимиз экан. Унинг олдида бордим. - Ака, кеча Аравондан ялиниб-ёловориб, бир справка олган эдим, уни совхозга элтиб беришим зарур эди, - деди у. - Бунга нима тўсқинлик қилапти, ёрдам керак бўлса, айтaverинг, - дедим мен. - Озгина англашилмоғичлик юз берибди, - деди у қизариб.

Мен ҳамон тушунмай: - Тортинмай айтaverинг, нима ёрдам керак бўлса, бажонидил, - дедим. - Юринг, машинага ўтирайлик, - деди у. Биргалашиб машина олдида бордик ва машина кабиначига кириб ўтирдик. - Ака, чўнтагингиздаги пулларни чиқаринг! - деди у. Мен ичимда, ҳа, унга пул керак бўлиб қолган экан-да, бугун менга пул тушганини билиб, тўғри меннинг олдимга келибди, деб ўйладим. Аммо тўйчилик, ўзимга ҳам пул керак бўлиб қолишигини ўйлаб, бироз иккилангандек бўлдим, лекин мендан кўра унга пул зарурроққа ўхшайди, деб «хўп, хўп» дедим-да, пулларни чиқара бошладим. Хали ҳаммасини чиқариб улгурмаган эдимки, у: - Бўлди, бўлди, ака, иш битди, - деди ва пулларнинг орасидан бир қозони олди. Сўнг: - Мана шу нарса керак эди, эрталаб пул ўрнига, справка билан қўришиб юборган эканман, - деди. Мен қўлиб юбордим. У справкани топганидан хурсанд эди. Чўнтагидан пул чиқарди-да, мен билан бошқатдан қўришди.

Яна қариндошим чакирди тўйга, Яна десам борам сен ҳар хил ўйга. Яқинда бир қўйдан қутулган эдим, Яна тушар бўлдим бошқа бир қўйга.

Махмуд ҲАСАНИЙ

* Мақлуб саъвати бўйича, яхши сўздан «я» ва «иш», «муз»дан эса «зум» чиқади.



НАВРЎЗИ ОЛАМ ЯҚИН...

ТАРАДДУД

Қутлуғ айём нашидаси

Мана кўз очиб юмгунча қиш ўз ўрнини фаслар келинчаги Баҳоройга бўшатди. Жаннатмакон дийримишга қалбларимиз интиқлик билан кутган Баҳор, Наврўзи олам кириб келмоқда. Бу шодиёна, улуг байрамимиз, янги асримизда биринчи қаршилаётган Наврўзи оламнинг қадами қутлуғ келсин.

Хуш келибсан дийримга, Кел, Наврўзим, кела қол. Дилга қувонч, шодликларни Қўшиқ қилиб сола қол.

Наврўз — табиатнинг уйғониш айёми, орзу-умидлар рамизи, меҳнат ва бахт, меҳр-муруват, яхшилик ва эзгулик, дўстлик байрамидир. Билур жозибаси дилларни сархуш этиб, жаннатмакон юртимиз чорбоғу чаманзорлари қушлар чугурга тўлади. Дала-қиллар уйқудан уйғониб, ерга ризқ уруғини экувчи Бободехоннинг

этагидан тортиб, ўз бағрига чорлайди. Ҳа, Баҳорни, Наврўзни бунчалар соғиниб, меҳр билан интиқ бўлиб кутяпмиз. Байрамларимизнинг ҳаммаси ўз номи билан байрам, қолаверса, тирикчилигимизнинг ўзи ҳам байрам... Наврўзи олам янги йил, янги аср бошида ўлкамизга ўзгача бир тароват, ўзгача хусну латофат билан кириб келмоқда. Наврўз кириб келиши билан меҳнат баҳори бошланади, ободончилик ишлари авж олади. Ҳамма ерда ўйин-кулги, лапарлар, айтишувлар, турли шарқона миллий ўйинлар бошланади, Наврўзимизни мадҳ этувчи дилрабо куй ва қўшиқлар янграйди.

Мана, бугун Наврўзи олам, Дўстларимга гуллар тугарман, Қайлардасан севишли эрмак, Қўлимда гул, сени қутарман. Умрим бўйи чорлаб ўтарман,

Сен баҳорни соғинмадингму?..

Наврўз асрларга татигулик боқий байрамдир. Нима учун айнан Наврўзи оламга барчамизнинг меҳримиз, муҳаббатимиз, ошиқу шайдолигимиз ўзгача. Негаки, саррин шабадалар эсиб, табиатда жонланиб, униш-ўсиш, гуллаш жараёни кечаркан, бу ҳолат бизнинг қалбимиз, қиёфамизга ҳам кўчиб ўтади гўё. Баҳорнинг файзу тароватидан ранг олган оламга сеҳрланиб, хайратланиб боқарканмиз, жисман ва руҳан ўзимизни ёшаргандек, юксалгандек ҳис этамиз. Бу ажиб туйғулар ҳаётга иштиёқимизни яна ҳам оширади. Олам янада гўзал ва мунаввар кўринади. Қалбларимизда ажиб, ширин хис-туйғулар жўш уриб, Наврўз нашидасидан завққа тўлиб беихтиёр қўшиқ куйлагинг келади.

Яна кўк тубида сайрайди кушлар, Яна кўҳна замин ям-яшил кўрпа,

Яна тандан кетди мудрашу тўшлар, Яна ёшдек дилда ўйлар минг турфа.

Наврўз бир кунлик байрам эмас. Унинг арафаси ҳам, давоми ҳам бирдек завқли ва файзлидир. Унинг ижодкори ҳам, яратувчиси ҳам, иштирокчиси томошабини ҳам ўзимиз, қудратли халқимиз. Момоларимиз, онажонларимиз аллақачон яхши ният билан бугдўй ундириб, баҳорнинг тансиқ таоми — сумалағу ҳалимлар пишириш учун дошқозонларни тайёрлашмоқда. Наврўз гина-қудратлар унутилмаган, меҳрришталари боғланадиган, муруват, саховат кўрсатиладиган, дийдорлашадиган муқаддас байрамдир.

Наврўз байрамни барча форс, араб, туркий тилларда сўзлашувчи халқлар ҳар йили баҳорда нишонлаб келишган. Бу қадимий, анъанавий янги йил байрамимиз ҳақида улуг боболаримиз Абу Райхон Беруний «Қадимги халқлардан қолган ёдгорликлар» асарига, Махмуд Қо-

шарий эса «Девону луготит турк» асарига жуда қизикарли маълумотлар ёзиб қолдирганлар. Умар Хайём олим, шоир, файласуф сифатида бу байрам ҳақида «Наврўзнома» номли махсус китоб ёзган. Алишер Навоийнинг устози — туркигўй шоир Лутғий эса «Гул ва Наврўз» номли ўлмас дostonлар яратганларки, бу асарлар ҳамон бизга Наврўз ҳақида адабий-бадий тушунча ва маълумотлар бериб келмоқда.

Истиқлол туйғайли суюкли байрамимиз Наврўз қайта тикланди, миллий қадриятларимиз, шарқона урф-одатларимиз, динимиз ўзимизга қайтди. Бу халқимиз орзиқиб кутган катта шодиёна, албатта. Илоҳим Наврўзимиз абадий бўлсин, янги асримизда бу улуг байрамимиз яна ҳам катта тантанга айланиб, қалбларимизга олам-олам қувончу шодлик бахш этсин, осмонимиз мусаффо, тонгларимиз мунаввар бўлиб, ҳаётимиз қўшиққа тўлсин.

Дилором ИКРОМОВА

Ўтган аср элгинчи йилларнинг охири эди. Биз ўша кезлари талаба эдик. Тошкентнинг Кўкча даҳасидаги «Оқильон» деб аталуви маҳалламизга олдинда кейин давримизнинг машхур уламоларидан бўлмиш Мулла Фозилжон домла ва Шайх Исмоил махдум ҳовли-жой қилиб қўчиб келишди.

Қадимдан мусулмон обод бўлиб келган, ҳатто даҳрий шўролар ҳукмронлик қилган йилларда ҳам ўз маънавий, руҳоний ва миллий турмуш тарзини сақлаб қола билган маҳалламиз бу икки улуг зотнинг пойқадамлари шарофати билан янада файзли ва нурили бўлиб кетди. Бундан етти ёшдан етмиш ёшгача бўлган маҳалламиз аҳли шод бўлди. Яхши кўшидан фақат яхшилик келади-да! Маҳаллада ўтадиган турли маъража маросим ва тўйларнинг тўри уларники бўлди...

Уша кезлари Мулла Фозилжон домла ва Шайх Исмоил махдум жаноблари Урта Осиё республикалари ва Қозоғистон мусулмонлари диний назоратининг раиси муфтий Зиёвуддинхон ибн Эшон Бобохон ҳазратларининг ноиблари бўлиб хизмат қилишарди, уларга диний унвон — шарият қозиси унвони берилган эди. Оддий халқ — маҳалламиз аҳли Мулла Фозилжон домлани тўғридан тўғри «Қози домла» деб, Шайх Исмоил махдумни эса ёши улуг қишлар «Исмоил махдум жаноблари», «Махдум жаноблари», «Махдум ака» деб, ёшлар эса «Исмоил ота», «Махдум ота» деб иззат-икром қилардилар. Улар маҳалламиз кўчаларида кўришганларида биз — ёш-яланглар юришдан тўхтаб, салом беришга шайланиб, тавозе ила қутиб олардик, нури чехралари ва дуоларига мушарраф бўлардик. Улар умр кечирган йиллар маҳалламиз учун янада кут-баракати бўлиб, бу дамлар қалбларимизда мангу сақланиб қолган.

Мавриди келди шекилли, маҳалламиз тарихи ҳақида андак тўхталиб ўтишга ҳазм қиламиз. «Оқильон» деб аталуви маҳалламиз кўҳна Шўшнинг энг қадимги маҳалларидан бири ҳисобланади. Илгарилари бу жой «Оқильон» мавзеи деб юритилган. Мавзеи деб аталишига сабаб шунки, шаҳар деворининг ташқарисида жойлашган боғ-роғли ерлар мавзеи деб аталган. Қадимда Тошкентнинг тўрт тарафидан юздан ортақ баҳордан то кеч кузгача шу мавзеларга кўчиб бориб, яшаган, экин-тикин қилган, қиш гамини еган, озини ҳозирлаган. «Оқильон» мавзеи Тош-

кентнинг ўн икки дарвозасидан бири бўлмиш «Кўкча» дарвозасининг қуноботар томонидаги обод жойи — энига ҳам, бўйига ҳам икки километрча бўлган худудни эгаллаган. Бу мавзенинг шарқ томони шаҳар девори ва «Кўкча» дарвозасига туташ бўлса, ғарб томони эса кейинги мавзеи — «Шофайзи қулоқ» мавзеигача бориб етган. Тошкентнинг Лабақ мавзеидан бошланувчи, Эски шаҳарнинг шарқидан ғарбигача кечиб ўтувчи Кайқобус ариғининг бир тармоғи бу мавзегача ҳаёт бағишлаган.

«Оқильон» мавзеининг тарихи милодий саккизинчи асрнинг бошларига бориб етти-

Кўйи Орифон, яъни орифлар юрти — тўлиқ диний билимларни эгаллаган кишилар яшайдиган жой номи билан машхур бўлиб кетди. Шайх Зайниддин ҳазратлари охирақ сафарига рихлат қилгач, шу ердаги кўҳна қабристонга дафн этиладилар. Шундан бошлаб бу қабристон Шайх Зайниддин бобо қабристони деб аталади. Ул зотнинг қабрлари устига аввалгилар сағана ўрнатилади, кейин макбарга қурилади. Сохибқирон Амир Темур 1390 йилларнинг охирида Шайх Зайниддин бобо қабрларини икки марта зиёрат қилиб, макбарани таъмир эттиради. Хуллас, Мулла Фозилжон домла ва

ХОТИРА УЙҒОНСА ГЎЗАЛДИР Яхши одам эдилар

ди. Ривоят қилишларича, фотиҳ Кутайба ибн Абу Муслим ва унинг сафдошлари Исмоил ёйиш мақсадида милодий 712 йили кўҳна Шўш мулкига қадам ранжиди қилдилар. Шунда фотиҳ Кутайба ибн Абу Муслимнинг бир гуруҳ сафдошлари — қомил кишилар Тошкентнинг ҳозирда Камолон дарвозаси деб аталуви қисмини ўзларига макон қилдилар, иккинчи гуруҳ — оқил кишилар эса бошқа жойни ўзларига макон қилиб оладилар. Оқильон ибораси ана ўша тарихий воқеадан келиб чиқади. Оқильон дегани оқиллар юрти деган маънони англатади. (Камолон дегани эса қомил — етуқ кишилар юрти маъносини билдиради). Шўролар даврида мавзе номи тўғри ёзилиб, нотўғри талаффуз қилинди. «Оқлон», «Оқилон» дейилиб, асл маъносига путур етди, ҳатто нотўғри маъно ҳам келиб чиқди. Ҳозирги кунда тарихий адолат тикланиб, яна асл маъносини англата олувчи шаклда «Оқильон» деб ёзилиб, тўғри талаффуз қилинмоқда. Дарҳақиқат, Алишер Навоий айтганларидек, «Тилга эътибор — элга эътибор», тарихга хурмат, юртга иззатдир.

Милодий XII асрда суҳравардий тарикатининг асосчиси Шайх Шаҳобиддин Суҳравардийнинг тўнчиқ ўғиллари Шайх Зайниддин Оқильон мавзеининг шимоли-ғарбий қисмига келиб макон тутадилар, уй-жой қилиб, туп қўйиб палак ёшдилар. Мавзенинг бу бўлаги кейинчалик ўшбу қароматгўй улуг зотнинг турар жойларига нисбат берилиб,

Шайх Исмоил махдум жанобларининг Оқильон мавзеига кўчиб келиб, истиқомат қилишлари бежиз эмас эди. Бу жойлар азиз-авлиёларнинг назари тушган, яшаб ўтган табаррук даргоҳлардандир. Азалдан файзли ва обод бўлиб келган Оқильон мавзеи истиқлол шарофати билан янада файзиёб ва гажух бўлиб кетди. Аҳолининг қўпайиши, янги-янги уй-жойларнинг қурилиши мунсабатига билан бу мавзедан унча маҳалла вужудга келди, уларга бир-биридан гўзал ва маънодор номлар берилган: «Оқильон», «Исмолобод» ва «Кўкча».

Бу ерда хонақоси ва ёпиқ биноларида бир йўла 12 мингдан ортиқ киши намоз ўқий оладиган, бу борада мамлакатимизда биринчи ўрнини эгаллаб турган янги жоме масжиди қурилди. У Шайх Зайниддин бобо жоме масжиди деб аталади. Юқориди ҳикоя қилиб ўтилган тарихий лавҳамиздан мақсад шунки, Юртбошимиз таъкидлаб ўтганларидек, Ўзбекистон — Оллоҳ назар қилган дийр. Салкам 13 асрлик тарихга эга Оқильон мавзеи эса жаннатмакон ўлкамизнинг табаррук гўшаларидан биридир.

Энди асосий гапимиз — Шайх Исмоил махдум жаноблари ҳақидаги сўзимизни давом эттирамиз. (Насиб қилса, вақти келганда Мулла Фозилжон домла ҳақларида ҳам хотирамизни қозоғга тушириш ниятидамиз. Зеро, Абу Райхон Беруний айтганларидек, қаламнинг излари абадийдир) Шайх Исмоил махдум аввало «Тошкентдаги Усмон Мусахфининг тарихи» деб аталуви китоблари билан ўзларига маънавий хайкал қўйиб кетдилар. То қиёматга қадар бу асар мусулмонларнинг қўлидан тушмай-

диган асарлардан бири десак, янглишмаймиз, чунки унда Оллоҳ таоло, унинг қаломи бўлмиш Қуръони карим, ҳазрат пайгамбаримиз Муҳаммад алайҳиссалом, чоҳорёфлар, шу жумладан, ҳазрат Усмон ибн Аффон, саҳобаи киромлар ва бошқа улуг зотлар тилга олинади. Уларнинг яхши амаллари ва ибратли ишларидан сўзланади. Шу боисдан ҳам бундай асарлар муаллифларининг номи ҳеч қачон унутилмайди.

Шайх Исмоил махдум маҳалламизда оддийгина умр кечирганлар, гарчи, қурблари етса-да, дабдабали, қўшнинг уйини қуёшдан тўсиб қўядиган ўта балинд иморатлар қурмадилар, гарчи қозилик мартабасига эришган бўлсаларда, муомалада бунчи сездирмадилар. Шу сабабли ҳам маҳалла аҳли учун ибрат бўлдилар, халқ ичиди яшадилар, унинг яхшиёмон куниди бирга бўлдилар, маҳалладан ажралиб қолмадилар. У — бой, бу — камбағал деб, уни амалдор, буниси оддий инсон, деб одам ажратмадилар, ўзларига муносабат қилган одамга бир хилда қараб, ҳожатини раво қилишга интилдилар. Бошига мусибат тушган хонадонларга руҳоний ташрифлари ила руҳий мадад бердилар, сабри жамил тилаб, жудодлик мусибатини енгиллаштирдилар, тўйларда эса дуолар билан кўнглиларни шод айладилар. Шу жиҳатдан ҳам Шайх Исмоил махдум диний ходимларга ибрат кўрсатдилар.

Таъкидларимиздан аёнки, кишиларимиз, шу жумладан, диний ходимлар ҳам пок ва меҳр-оқибат кўрсатиб яшаб, фаолиятда бўлсалар, жамиятда соғлом ва мўътадил муносабат шаклланишига муносиб ҳисса қўшадилар. Шайх Исмоил махдум турмушда пок ва меҳр-оқибат кўрсатиб яшаб, юртдошларимиз қалбидан чуқур жой олган табаррук зотлардан бири эдилар. У кишининг ёққан чироқлари ёниқ, Фарзандлари диний ходим, арабшунос ва таржимон — Абдуллоҳ ака падарни бузрукворлари ишини баҳоли қудрат давом эттирмоқдалар. «Тошкентдаги Усмон мусахфининг тарихи» китобининг Абдуллоҳ ака томонидан араб тилидан ўзбекчага таржима қилиниб, нашр этилиши бу борада диққатга сазовор ва савобли ишлардан бўлди.

Шайх Исмоил махдум яшаб ўтган ҳовли ёнидан ўтганимизда ҳар гал дилимиздан шундай фикр кечади: «Яхши одам эдилар. Илоҳим, жойлари жаннатдан бўлсин...».

Абдуқаҳҳор ИБРОҲИМОВ


Пушаймон

(Масал)

Бир мамлакатда ажойиб воқеа бўлиб қолган. Унинг ниҳоятда гузал боғлари, кўм-кўк далавлари, зилол чашмалари бекинган экан. Шундай жаннатмакон боғларнинг бирида жажжитгина гузал булбулча охиён кўрган экан. Узи кичкина бўлса ҳам овози ниҳоятда ўткир ва ёқимли экан. У хонинг этанда кўмири ва савалар ҳавас билан, қарга ва бойғуллар ҳасад билан боқиб экан. Булбул ҳар тонг билан куйлар, унинг ширали овози дардиликларга дармон, хазин дилларга кўч баҳишда этаркан. Юртолларни уни чуқур ҳурмат этиб оқибат эканлар. Чунки булбул уларнинг шодлигига ҳам, хайр-

узро тил бириктириб бир базмада булбулнинг таомига оғу қўшиб берибдилар. Оқибатда булбулнинг овози бир умрга хирилдоқ бўлиб қолди. Куйлашдан бошқа хунари бўлмаган муҳлисдан айрилибди, аста-секин мол-давлати емирилиб, бегона юрда ватангад, гарибга айланган. Ниҳоят киндик қони тўқилган воқеага қайтибди. У қондошлари олдида жуда хижолат ва уятли эди. Аввалгидек уларга яхшилик қилишга, қўшиқ айтиб дилларига ором бермоқчи бўлибди. Аммо у харчанд ҳаракат этмасин бунинг улдасидан чиқа олмайди. Чунки у энг даҳшатли, ўлим билан тенг бўлган фожиага дуч келган. Яъни эл назаридан қасдан ҳисса:

Эски чорининг уни умта, имконинг борида яхшилик қилиб қол!
Шукур ДАДАШ



Ёш каратэчилар.

Равиль Альбеков олган сурат.

БИЛИБ ҚЎЙГАН ЯХШИ

Уйқудан олдин...

□ Кечқурун енгил овқатлашни рухий жиҳатдан муҳим. Чунки у уйқунга тез келтиради.
□ Инсон яхши туш кўриши ўзинга боғлиқ, уйқунгиз тинч бўлсин десангиз ётиш олдида даҳшатли фильмларни кўрмастасиз керак.
□ Қанчалик кеч овқатлансангиз, ошқозонингизнинг овқат ҳазми қилиши учун шунча кўп вақт

□ Уйқунгиз оромли, тушингиз ширин бўлиши учун, кун бўйи ва ётиш олдида асабийлашмасликка ҳаракат қилинг. Кўп асабийлашувчи беҳаловот тушлар кўришга олиб келади.
□ Кечқурун ичилган қаҳва, чай, какао, кока-кола сингари ичимликлар ҳам уйқунга қочиради.
□ Кечқурун ичилган иссиқ сут кишини уйқуга тортади.
Дилдора СОДИҚОВА

ЙЎЛОВЧИЛАРНИ ТАШИШ БЎЙИЧА ХИЗМАТЛАРНИ КЎРСАТУВЧИ БАРЧА ҚОРХОНАЛАР, ЖИСМОНИЙ ШАХСЛАР ДИҚҚАТИГА!

Тошкент шаҳридаги йўналишларда йўловчиларни ташини ташкил қилувчи комиссия 2001 йил 22 мартда йўловчи транспортида хизматларни кўрсатиш учун шартномани имзолаш ҳуқуқини беришни тендер танловини ўтказди.
Тендерга маршрутли такси ва автобус йўналишларининг қуйидаги рақамли йўналишлари қўйилди:

- 61 «Янгиобод даҳаси — Аэропорт автобекати»
- 16 «Тошкент трактор заводи автобекати — Тошкент вокзали автобекати»
- 18 «Метронинг «Пахтакор» бекати автобекати — Юнусобод даҳаси, 10 мавзе»
- 111 «Юнусобод даҳаси 10 мавзе — Октепа майдони»
- 71 «Метронинг «Мустиқиллик майдони» бекати автобекати — Чуқурсой бекати»
- 132 «Сергели-7 даҳаси автобекати — метронинг «Чорсу» бекати автобекати»
- 54 «Кўйлик М-1» автобекати — метронинг «Нкалов» бекати автобекати»
- 74 «Ал-Хоразмий даҳаси автобекати — метронинг «Чилонзор» бекати автобекати»
- 95 «Юнусобод даҳаси 15-мавзе — Қадшув автобекати»
- 75 «Сергели саноат ҳудуди — метронинг «Чилонзор» бекати автобекати»
- 46 «Бекобод даҳаси — метронинг «Пахтакор» бекати автобекати»
- 64 «Бирлик даҳаси — метронинг «Пахтакор» бекати автобекати»
- 21 «Корасув-1 даҳаси автобекати — Амир Темури хибони автобекати»
- 129 «Юнусобод даҳаси 17-мавзе — Қадшув автобекати»
- 27м «Метронинг «Чорсу» бекати автобекати — Юнусобод даҳаси, 17-мавзе»
- 84м «Фарҳод бозори — Кўйлик Марказ»
- 35м «Сувсоз даҳаси — метронинг «Буюк Илқ йўли» бекати»
- 9м «Тошкент вокзали автобекати — метронинг «Буюк Илқ йўли» бекати»

Тендерда қатнашишни хоҳловчилар тендер ҳужжатлари тўғрисида олиш учун 2001 йил 25 февралдан кенчиқилган ҳолда қуйидаги манзилда жойлашган комиссияга талбномани беришлари керак: Амир Темури биринчи тор кўчаси, 6. «Тошшаҳар йўловчи тран» Давлат уюмаси, 413 қона. Талабномага шаҳар ичида ёки шаҳар атрофида йўловчиларни ташини амалга ошириш учун рухсатнома қўшиб топширилади.
Тендер тақлифларини топшириш мuddати 2001 йил 25 февралдан 2001 йил 10 мартгача.
ТЕНДЕРЛАРНИ ТАШКИЛ ЭТИШ БЎЙИЧА ШАҲАР КОМИССИЯСИ

ТОШКЕНТ ШАҲРИ ҲУДУДИДА ТАМАКИ МАҲСУЛОТЛАРИНИНГ ЧАКАНА САВДОСИ БИЛАН ШУҒУЛЛАНУВЧИ ЮРИДИК ВА ЖИСМОНИЙ ШАХСЛАР ДИҚҚАТИГА!

Ўзбекистон Республикаси Вазирлар Маҳкамасининг 2000 йил 26 декабрдаги 500-рақамли «Ўзбекистон Республикасининг 2001 йилги давлат бюджетининг асосий макроиктисодий кўрсаткичлари ва параметрларининг истикболи тўғрисида»ги Қарорига ҳамда Тошкент шаҳар ҳокимининг 2001 йил 24 январдаги 27-сонли «Солиқлар ва йиғимларнинг айрим миқдорларини тасдиқлаш тўғрисида»ги қарорига мувофиқ.

2001 йил 1 январдан бошлаб Тошкент шаҳар ҳудудида тамаки маҳсулотлари савдоси ҳуқуқи учун лицензия йиғими жорий этилди. Тамаки маҳсулотлари савдоси ҳуқуқи учун лицензия йиғими тўловчилари — юридик шахс мақомига эга бўлмай тадбиркор сифатида рўйхатдан ўтган жисмоний шахслар ҳамда мулк шаклидан ва қайси идорага қарашли эканидан қатъи назар Тошкент шаҳри ҳудудида турғун савдо шохобчаси орқали тамаки маҳсулотлари чакана савдосини амалга ошираётган юридик шахслардир.

Тамаки маҳсулотлари савдоси ҳуқуқи учун лицензия йиғимининг ойлик миқдори ҳар бир савдо шохобчасидан бир ойлик иш ҳақининг энг кам миқдorigа тенг қилиб белгиланган.

Тамаки маҳсулотлари савдоси ҳуқуқи учун лицензия йиғимини ундиришдан олинган пул маблағлари савдо иншооти жойлашган туман бюджетига ўтказилади.

Тамаки маҳсулотлари савдоси ҳуқуқи учун лицензия беришга ваколатли бўлган орган — Савдо, хизмат кўрсатиш соҳаси ва халқ истеъмол моллари ишлаб чиқариш Департаментининг туман бошқармаларидир.

Лицензияларни олиш учун қуйидаги ҳужжатларни тақдим этиш зарур:

- Савдо, хизмат кўрсатиш соҳаси ва халқ истеъмол моллари ишлаб чиқариш Департаменти туман бошқармасининг бошлиғи номига ёзилган ариза;
 - Савдо ҳуқуқи учун рухсатноманинг нусхаси;
 - 1 ойдан 12 ойгача давр учун тамаки маҳсулотлари савдоси ҳуқуқи учун лицензия йиғими тўлангани ҳақида далолат берувчи банк ҳужжати.
- Ҳужжатларни қўриб чиқиш ва лицензия бериш мuddати 1 ишчи кунда амалга оширилади. Тамаки маҳсулотлари савдоси ҳуқуқи учун лицензия йиғими тўлови юбориладиган туман бюджетлари ҳисоб варақалари рақамлари қуйидагилардан иборат:

А. Икромов туман Молия бўлими	Бектемир туман МБ
X/в 23426000100445900002. МФО — 00397. ИНН — 202013443	X/в 23426000600151810001. МФО — 00959. ИНН — 201794984
А. Икромов Саноат-қурилиш банки.	ОЖСБ Ҳамза бўлими
Бектемир туман МБ	Миробод туман МБ
X/в 234260006000151810001. МФО — 00959. ИНН — 201794984	X/в 2342600010022780001. МФО — 00420. ИНН — 201427062
ОЖСБ Ҳамза бўлими.	Ўзуйжойқурилиш банкининг Корасув бўлими
Миробод туман МБ	Мирзо Улугбек туман МБ
X/в 2342600010022780001. МФО — 00420. ИНН — 201427062	X/в 23426000200125352001. МФО — 00419. ИНН — 200540724
Ўзуйжойқурилиш банкининг Корасув бўлими.	Ўзуйжойқурилиш банкининг ОПЕРУГ ГА
Мирзо Улугбек туман МБ	Собир Раҳимов туман МБ
X/в 23426000200125352001. МФО — 00419. ИНН — 200540724	X/в 23426000900123301001. МФО — 00901. ИНН — 202017484
Ўзуйжойқурилиш банкининг ОПЕРУГ ГА	Собир Раҳимов туман Ўзуйжойқурилиш банки
Собир Раҳимов туман МБ	Сирғали туман МБ
X/в 23426000900123301001. МФО — 00901. ИНН — 202017484	X/в 234260001001193622001. МФО — 00403. ИНН — 200647921
Собир Раҳимов тумани Ўзуйжойқурилиш банки	Сирғали туман Саноат-қурилиш банки
Сирғали туман МБ	Ҳамза туман МБ
X/в 234260001001193622001. МФО — 00403. ИНН — 200647921	X/в 23426000600103231001. МФО — 00959. ИНН — 200838271
Сирғали туман Саноат-қурилиш банки	Ўзуйжойқурилиш банкининг Ҳамза туман филиали
Ҳамза туман МБ	Чилонзор туман МБ
X/в 23426000600103231001. МФО — 00959. ИНН — 200838271	X/в 2342600050011162001. МФО — 00425. ИНН — 200794574
Ўзуйжойқурилиш банкининг Ҳамза туман филиали	Ўзуйжойқурилиш банкининг ГА шаҳар бўлими
Чилонзор туман МБ	Шайхонтоҳур туман МБ
X/в 2342600050011162001. МФО — 00425. ИНН — 200794574	X/в 23426000800107891001. МФО — 00425. ИНН — 200950001
Ўзуйжойқурилиш банкининг ГА шаҳар бўлими	Ўзуйжойқурилиш банкининг ГА шаҳар бўлими
Шайхонтоҳур туман МБ	Юнусобод туман МБ
X/в 23426000800107891001. МФО — 00425. ИНН — 200950001	X/в 23426000400125841001. МФО — 00837. ИНН — 2001122862
Ўзуйжойқурилиш банкининг ГА шаҳар бўлими	Юнусобод Уйжойқурилиш банки
Юнусобод туман МБ	Яккасарой туман МБ
X/в 23426000400125841001. МФО — 00837. ИНН — 2001122862	X/в 23426000000136405001. МФО — 00404. ИНН — 201248508
Юнусобод Уйжойқурилиш банки	Яккасарой Саноат-қурилиш банки
Яккасарой туман МБ	Тошкент шаҳар Савдо, хизмат кўрсатиш соҳаси ва халқ истеъмол моллари ишлаб чиқариш Департаменти
X/в 23426000000136405001. МФО — 00404. ИНН — 201248508	Тошкент шаҳар Савдо, хизмат кўрсатиш соҳаси ва халқ истеъмол моллари ишлаб чиқариш Департаменти

Қалтис

«Ҳазил»

Кудук ичида саккиз соат ўтирган одам, айниқса, гиш фаслида омон қолиши гумон. Икки ширакайф улфатнинг хурмача қилиги элликларни қоралаб қолган аёлни кудукка итариб юбориш билан яқун толди. Улар кудукка ташлаган одам фарқ бўладими, йўқми, дея бир-бирлари билан баҳслашиб қолдилар.

... Бу иш амалга ошган, тезликда жуфтаникни ростлашди. Кудук ичида эса кўрқувдан додлашга ҳам холи етмаган аёл қолди. Кимсасиз жой бўлгани боис, бу ердан ҳеч ким юрмасди. Хайриятки, инграган товуш машинада ўтиб кетаётган йўл полициясининг қулоғига чалинди.

Полиция ходимининг кутқарувчилар бригадасига хабар бериши Кишинёвдан узоқ бўлмаган Добруж қишлоғида яшовчи Иоанна хонимга ҳаёт қувончини бахш этди. Ким билсин, полиция ходими учрамаганда, холи нима кечарди?

Энг катта

капалак

Қушқанотли Александра (Omithoptera aiechandra) дунёдаги энг катта капалак. У Янги Гвинейнинг Папуа оролларида яшайди. Унинг қанотлари 28 сантиметр ҳажмдан иборат. 15 сантиметр катталиқдаги махаона Гомер (Papilio homerus) капалаги Марказий ва Жанубий Америкада учрайди. Махаона Антимахо (Papilio antimachus) капалаги Африкадаги энг катта капалак ҳисобланади. Унинг катталиғи 23 сантиметр. Жанубий Америкадаги Голубянка (Brephidion exilis) 15-19 миллиметр катталиқда бўлиб, дунё бўйича энг кичик капалақдир.

Гордан

топилди

Ўтмишшунослар (археологлар) тош асрида яшаган одамлар горлардан узум ургунини топдилар. Маълум бўлишича, Вавилон, Сурия ва Фаластинда токни бундан олти минг йил муқаддам парвариш қилиш билан шуғулланган экан. Қадимги римлик олим Калумелланнинг ёзишича, Ливия саҳросида қанча кун бўлса узум, яъни токнинг ҳам шу қадар кўп нави бўлгандир.

Ажойиб

анъана

Свазилендда ажойиб анъана ҳануз сақланиб келмоқда. Бу одат фақат мамлакат қиролига тааллуқли бўлиб, қирол ҳар йили камида битта шерни яқма-яқка олишувда енгиси ва ўлдириши керак. Шу билан у ўз кучи ва мардлигини, қисқаси қиролга хос фазилатларни намойиш этади.

Махсус

тўшақлар

Хозирги кунда йигирма миллиондан ортиқ амриколиклар ичи сув билан тўлдирилган махсус тўшақларда ухлашади. Бундай усул бир неча йиллар муқаддам Амрикода тўғрироғи, Калифорнияда пайдо бўлган. Шифокорларнинг таъкидлашларича, турли бел орғиларидан азоб чекаётганларга худди шундай усул фойда бераркан.

«Тошкент қишлоқ хўжалик маҳсулотлари улгуржи бозори» очик акциядорлик жамияти

жамиятининг умумий мажлиси 2001 йил 29 март куни соат 16.00 да Тошкент шаҳри, Тошкент Ҳалқа йўли, жамият маъмурият биносида бўлишни ўз акциядорларига маълум қилади.

- КУН ТАРТИБИ:
1. Акциядорлик жамиятининг 2000 йил иш фаолияти юзасидан жамият бошқаруви раисининг ҳисоботи.
 2. Жамиятнинг 2000 йил якуни бўйича молиявий ва хўжалик фаолияти юзасидан Аудиторлик хулосасини тасдиқлаш.
 3. 2000 йил якуни бўйича молиявий ва хўжалик фаолияти бўйича тафтиш комиссиясининг ҳисоботини тасдиқлаш.
 4. 2000 йил молиявий-хўжалик ҳисоботи якуни бўйича даромадларни тасдиқлаш ва дивидендлар миқдори ҳамда уни бериш тартибини тасдиқлаш.
 5. 2001 йилга мўлжалланган даромадлар ва харажатлар сметасини тасдиқлаш.
 6. 2001 йил фаолияти учун жамият Аудиторини тасдиқлаш.
 7. Қузатув кенгаши таркибига ўзгариштириш қиритиш ҳақида.
 8. Жамият Кузатув кенгашининг 2001 йил 10 февралдаги мажлис бабини қарорига мувофиқ 2001 йил учун «Тошкент қишлоқ хўжалик маҳсулотлари улгуржи бозори» очик акциядорлик жамияти ҳудудида савдо қилувчи сотувчи ва тадбиркорлардан ундирилувчи жой ва хизмат ҳақлари миқдорларини тасдиқлаш.
- Акциядорлар соат 14.00 гача рўйхатга олинади. Қўшимча маълумот учун телефон: 195-96-52

«Тошкент қишлоқ хўжалик маҳсулотлари улгуржи бозори» очик акциядорлик жамияти фаолиятининг йиллик ҳисоботи

Кўрсаткич номи	№ бет	Ҳисобот даври охирига	Кўрсаткич номи	№ бет	Ҳисобот даври охирига
АКТИВ			тақсимланган фойда (қолгандаги зарар)	350	20859
АСОСИЙ ВОСИТАЛАР:			Максади тўлуқ ва фондлар	360	55000
Бошланғич (қайта-тиклаш) қиймат (01,03)	010	92749			
Эскириш (02)	011	3766	1-БЎЛИМ БЎЙИЧА ЖАМИ	390	597868
Қолдиқ қиймат Қалитал қўйимлар (07,08) Шўба корхоналаридан акциялар	012 030 040	88983 1037277 13991	МАЖБУРИЯТЛАР		
1. Бўлим бўйича жами	110	1139351	Узоқ мuddатли қарзлар	400	725669
ОБОРОТ АКТИВЛАРИ			- мол етказиб берувчилар	450	1922
Ишлаб чиқариш заҳиралари	120	11686	- бюджет бўйича қарзлар	460	4331
Олиб сотиладиган товарлар	150	9796	- моҳнатга ҳақ тўлаш бўйича қарзлар	470	1180
Келгуси давр сарфлари	160	149600	- иктомий сугурта ва тўвминот бўйича қарзлар	480	561
Пул маблағлари	170	10024	- бюджетдан ташқари тўловлар бўйича қарзлар	500	344
ДЕБИТОРЛАР: Харидор ва фойдаланувчилар билан ҳисоблашув	220	14355	Уюшма корхоналарига қарзлар	520	2527
Бюджет билан ҳисоблашувлар	240	2	- бошқа кредиторлар	530	1302
Бошқа дебиторлар	290	890	2-БЎЛИМ БЎЙИЧА ЖАМИ	540	737836
2-БЎЛИМ БЎЙИЧА ЖАМИ	300	196353	БАЛАНСНИНГ ПАССИВИ БЎЙИЧА ЖАМИ	550	1335704
БАЛАНС АКТИВИ БЎЙИЧА ЖАМИ	310	1335704	Кўрсаткич номи		Кўрсаткичлари
ПАССИВ			1. Махсулот сотишдан тушган тушум		243376
Низом капиталли	320	20000	2. Асосий ишлаб чиқариш фаолиятининг молиявий натижаси		96066
Резерв капиталли	340	502009	3. Умумхўжалик фаолиятининг молиявий натижаси		110505
			Ҳисобот давридаги соф фойда		25810

«ТОШКЕНТ ОҚШОМ»

Сизнинг рекламаларингизни, хусусий эълонлар ва хусусий бизнес бўйича эълонларни, шунингдек таъзияларни, таваллуд кунлари, тўйлар, юбилейлар муносабати билан қутловларни, никоҳ эълонлари ва шунга ўхшаш эълонларни ўз саҳифаларида ёритади. Эълонлар шанба ва якшанбадан ташқари ҳар куни соат 9.00 дан 17.30 гача қабул қилинади. Маълумотлар учун телефон: 133-28-95. Факс: (3712) 133-29-09.
МАНЗИЛИМИЗ: МАТБУОТЧИЛАР КЎЧАСИ, 32-УЙ, 2-ҚАВАТ, 204-ХОНА.



Баш муҳаррир
Акмал АҚРОМОВ
Манзилимиз:
700000, Тошкент шаҳри,
Матбуотчилар кўчаси, 32

ТЕЛЕФОНЛАР:
хатлар — 133-29-70;
эълонлар:
133-28-95, 132-11-39,
факс: (3712) 133-29-09.

Душанба, чоршанба ва жума кунлари чиқади.
Навр кўрсаткичи — 209
Ҳажми — 2 босма табоқ офсет усулида босилади.
Қоғоз бичими А-2

Нашрни етказиб бериш масалалари бўйича турар жойлардаги почта бўлимларига ёки «Тошкент почтамати»га — 133-74-05 телефонига мурожаат қилишингиз мумкин.
Газета Ўзбекистон Давлат матбуот қўмитасида 10-рақами билан рўйхатга олинган

Газета «Тошкент оқшом»нинг компьютер марказида терилди ва саҳифаланди.
«Шарқ» нашриёт-матбаа акциядорлик компанияси босмахонаси.
Корхона манзили:
«Буюк Турон» кўчаси, 41-уй.